

書名 皇明文衡一百
卷 正德五年
序刊本
撰者 明 程敏政 輯
明 范震、李文
會 校

卷 卷九十七
內容分類 集 總集 各代 明

索書號 大木-集部-總集類-30
編號 D7861500

彩色首頁1

東洋文化研究所漢籍目錄 編號: D7861500

東洋文化研究所漢籍目錄所藏漢籍善本文影像資料庫 索書號: 大木-集部-總集類

30 漢籍善本文影像資料庫文本 皇明文衡一百卷 正德五年序刊本

版權所有: 東京大學 東洋文化研究所

使用上的注意事項

卷九十七



皇明文衡卷之一

代言檄

原檄



翰林院學士新安程敏政選編
鄉進士國子監助教永康范震校正
賜進士應天府儒學教授郊鄧李文會重校

宋濂



自古帝王御天下中國居內以制夷狄夷狄居外以奉中
未聞以狄治天下也自宋祚傾移元以北狄入主中國
不臣服此豈人力實乃天授然達人志士尚有
美自是以後元之臣子不遵祖訓廢壞綱常有
如大德廢長立幼泰定以臣弑君天曆以弟醜兄至於弟技



0 1 2 3 4 5 6 7 8 9 10







皇朝文衡卷之九十七

祭文

禡牙文

胡翰

維歲甲辰正月某日朔東行中書省右丞李某以清酌潔牲
 禡于大牙之神惟國大事曰祀與戎凡我有衆罔敢弗恭在
 昔草昧誕啓武功涿鹿揚靈牧野奮庸承天休命惟神是崇
 於皇漢祖奄起沛豐申嚴秩禮丕顯軍容百王繼軌庶士承
 風伊予不武荷國委寄授越端闈摠于東裔列城効順群醜
 慕義匪曰予能實神之賜赫赫靈旗道揚神威天日清照風
 雷厲飛睽睽萬目具瞻指揮何揮不躍何指不披薄海內外
 日所出入愴其於鑠罔不震響肆于將士一乃心為鞠躬將
 事不越咫尺春酒既嘉潔牲既肅是用昭假令典有則神其

皇朝文衡



監之尚永我翊宣我神武作我明德削平僭亂佑我民物如
周如漢如古有國登干至治報祀罔極

祭胡先生文

蘇伯衡

嗚呼仲申良金美玉庶足以方公學術之精純商鼎周彝
足以擬公述作之古雅惟嚴毅以自持曾毀譽之不假故不
合者甚多而合者恒寡方年歲之壯盛侶麋鹿而在塾逮景
迫於桑榆乃

聖主之遭逢承特招之

明詔通清光於

九重體右文之

至意擬教鐸於一邦及元史之纂修遂大筆之獨當參公論
以褒貶深上契於宸衷然而寶懷而不售材蓄而不試代

言願問

上雄注意於柄用引年乞歸公則必行其素志得不以聲譽

之隆吾所謂富而不在乎祥之豐道德之究吾所謂貴而不
在位之崇不然既俞所乞拂袖而還長山之下竹林之間僦
屋以憇貸田以耘非樵牧以爲伍則猿鶴之同群亦獨何樂
而志氣欣欣嗚呼仲申意謂百齡以重鄉郡何斯文之寡佑
嬰微疾而遽病昔者相過塞坐書詩英俊在列笑談塵揮今
者之來室是人非惟交塵網庭暗履綦嗟距公之云沒曾居
諸之幾時慨夫事之殊異忽乎已至於斯更一二歲徵文獻
於門墻者何從仰其音徽牧牛羊於丘壟者誰復爲之呵搗
又况一紀必世乎此吾黨所以重反決而歎歎也雖然生必
有死盛必有衰猶且有夜理固若茲惟古聖賢其身雖沒而
其名永垂者亦惟托德業與文辭公之所蘊固不見於設施
公之所作則與古人而竝馳其味也雋其聲也希大篇短章

細書深刻者有不家傳而人誦之然則公固自有後而不堙者存矣吾黨嗟唏又奚以爲聊緝此言以侑一卮蓋不獨慰公於九京亦將塞後死者無窮之非嗚呼仲申以爲是乎以爲非乎

爲廖平章祭常忠武王文

永忠昔與伯氏有衆一旅知天命之有在爰委身於真主奔走禦侮目彼淮土方艱難險阻之備嘗豈自意得見王於和陽之澣立談之間分投氣合有如肺腑余亦不自知其何以同事戎行至于今蓋十六寒暑惟王文武全材有力如虎雖猛將之盈庭孰英風之敢擬况於余孱弱而敢與王齒每受命從征輒忘其懦怯而相與拚角者實思附乎驥尾至於獎率六師灑掃九宇上以報答

聖明下以又安遐邇則王之所自許今南征北伐自闢地千里混一之功佐運之勲震今而耀古真可謂不負平生之謬矣何堂堂山立之軀遽奄忽其蟬蛻將下民之無祿抑脩短之有數然王之表表者固雖死猶生而聲名與國同休於千萬世也余之歎歎而涕泗交墜則念情好於疇昔感幽明之異路而已耳於乎哀哉

祭湘江潮神文

謝肅

吳越之交浙江中界吐吞海潮或小或大滔天沃日雪湧雲轟馮其氣勢必有神靈烈烈伍王素幸白馬倏陰而陽與濤上下赫赫武穆稱吳越王射潮使伏鐵倚若春二王攸止妖遁鬼匿陽侯海若亦率乃職我維司憲借彼同寅奉天子命將按八閩群黎是綏百司是糾頑廉懦立風俗再造

鎮鑄一方實在此行道出荆江駕以解艘惟神祐我濤波不
驚蛟龍鼉鼉滅跡潛形太虛空關山川清美長風送颿一日
千里峩峩闕闕不遠伊邇省風問俗使節戾止賴神之休去
險卽夷一觴是奠神其受之尚享

祭誠意伯文

吳公願

維元政之失馭兮豪傑奮其竝興驅齊民使荷戈兮銷鋤犁
以爲兵勝負迭其相乘兮弱之肉而強是食競侵畧以潛竊
兮紛盜據乎南北塵瀟瀟兮而眯目兮燄炎炎而漲天計剽
殺爲功庸兮孰黔首之汝憐翳等蒼之念亂兮實挺生夫
聖明環仁義爲甲冑兮嬰忠信以爲城江淮翕其景從兮願
瞻金陵而是都豈有君而無臣兮嚙啓予之雄圖惟先生之
壯志兮夙蘊皇王之學鄙管樂之陋或往兮謂伊呂之可作

神諒兆於幾先兮吾將察夫璿璣觀王氣之攸屬兮知
帝命之所歸虎嘯谷以生風兮雲出岫而隨龍鬱予衷之耿
耿兮舍

聖人其焉從應聘命以効忠兮離契合於諾唯神籌秘計
不可以言喻兮恒決勝於千里彼僞漢之搶攘兮舳艫肆其
橫江陳我師於彭蠡兮殪封豕於莊浪長驅直抵其巢穴兮
循豫章而東之斬黃與鄂嶽兮固風靡而無遺先聲警茲兩
浙兮復禽張而繫方操破竹之形勢兮七閩喘其敢當聞西
北鄙之人兮曰奚爲而後我征不庭而撫順兮不再鼓而俱
下雖天道之助佑兮亦將軍之用力也發踪跡以指示兮允
先生之成績也

皇錫爵以酬勞兮位次亞夫公侯効平房之勇退兮願從亦

於以遨遊胡一豎之構患兮動

宸衷之憫惻

帝曰卿其遄歸兮昇優游於祿食 賜絲綸以褒美兮示
睿眷之不忘駕蒲輪以言旋兮桑梓實其寵光仁者必得其
壽兮諒理數之可推謂陰隲之獲報兮宜愈享於期頤泰山
頽而梁木壞兮忽溘焉其云亡不愆遺於一老兮使斯文之
遽喪古之人圖夫不朽兮惟立功與立言建茂勲於開國兮
况著述之必傳秉二美而竝載兮流芳藹於青史永鴻名於
無斁兮亘萬古其猶不死嗟鯁生之多幸兮望餘光之有年
曩叨班於朝著兮沐數載之嘉言承 恩例以聯歸兮敢景
行於先哲偕同心之友朋兮敬辦香之是奠登瘞牲于凡俎
兮崇清沽之盈觴匪飲食之足尚兮庶至誠之馨香菊采采

而垂華兮露泠泠而瀾其靈情恍之不昧兮魂聚靈而來思

尚饗

告山川壇文

葉砥

維洪武年歲月朔日榮祿大夫同知大都督府事南雄侯趙
某今遣某官謹以潔牲醴幣昭告于 山西闔境山川之神
曰惟靈秀氣所鍾流峙成質長養萬物潤澤群生為利甚溥
其功不細於赫厥靈實奠茲土風雨以時民物以阜災厲以
消盜賊以弭山寧川謐是曰神職 國之盛典報祀維時乃
崇壇墀乃潔牲幣其或不然曷庸神為蠢茲殘酉烏當其眾
嘯聚巖崖如魍魅然屢勤王師迄無所獲急則獸奔緩則蜂
聚擾吾赤子掠吾土毛為時害者獨在于斯堂堂
天朝萬邦職貢東漸西被聲教旁敷云胡茲境稂莠鸚除

天子曰咨爾往視師載揚我武必殲厥魁我臨我衆旣成以
誓用祭明神祈爾陰佑敢告

祭宋景濂先生文

方希古

公之量可以包天下而天下不能容公之一身公之識可以
鑑一世而舉世不能知公之爲人道可以陶冶造化而不獲
終於正寢德可以涵濡萬類而不獲蓋其後昆其所有者皆
衆人之所難勉而未嘗自以爲足其所遇者皆衆人之所難
處則快然委命而不置乎感欣此公之所以跨越前古拔彙
超倫控宇宙而獨立後天地而長存者乎世焉足以知之徒
傳誦其雄文執其詞者感其意得其似者失其真彼好慕者
且若此又何怪乎臧倉與叔孫宜文公之厭斯世而不居其
遠跡於岷岷蓋將乎重華於九疑唁屈子於江瀨而不忍汗

乎流俗之埃塵也然則公固以死生榮辱爲夢幻得失毀譽
爲浮雲六合之內孰非其第宅薦紳之士皆若其曾玄尚何
窮達之足云乎吾獨悲歎而不止者上以憂乎斯道下以憫
乎斯民愧受恩而未報懼來者之無聞嗚呼哀哉公其舍此
而安之豈其與形俱逝與物同泯乎吾猶髣髴見公騎風馭
氣鞭日月而以星辰遨遊乎崑崙之野出入乎無窮之門是
蓋處乎世者止七十有三年而不死者不知其幾千萬春其
遇乎人者雖若艱危而可痛而樂乎天者不可數計而具陳
而吾猶嗷嗷哭于山巔與水濱是皆公之所笑而奚能酬教
育之厚恩嗚呼哀哉列泰華以爲殺注滄海以爲樽吾知公
之不我顧而庶幾可以報公者習其所聞以求不負乎明訓
行其所以冀有益於黎元酌皇天與后土尚同鑒乎斯言

祭王原采文

楊士奇

於乎先生之學聖賢是師先生之行綱常允持先生之心金石其貞先生之志雪霜其明浩然歸全乘雲翩翩我懷先生崇山長川桐川之藏既固且深遙致鶴奠神乎其歆

祭少師東里楊公文

黃淮

嗚呼公之德業文章簡在宸衷播聞中外煥若日星之昭晰固不待區區贊美之蕪詞然而公之於我也道義交情終始無違苟不託之於觚翰曷以致夫感仰之私准自筮仕以來五十年于茲升沉榮辱與時推移厥初承乏職兼兩制僚友之中公允我知情之相孚堅如膠漆事之可否信若蓍龜

建表

鸞輿北狩

青宮監國頓首宮僚以勵翼惟我與公而相依異體同心合

輒竝趨獻可替否一出于正竭謀殫慮靡憚勞勩晉錫便蕃光照倫輩百責所萃會莫敢支夫何人事之錯迕豈料災禍之荐罹公方入對

明廷旋復釋還故職我則拘幽園土一滯十稔有奇常承憫惻之念屢餽藥食之資詞我音耗撫我癡兒綢繆懇悃久而不衰忽沾湛恩之汪濊聿起涸轍之枯魚復聯裾而接佩同振迅於亨衢何予孽之未殄遽攬患而遄歸莫致寸忱之報空馳尺素之書俄聞凶問欵然遠至使予拊膺躑躅北望而呼號沾衣被面洒涕淚之漣漣嗚呼哀哉公年八十壽亦云多奚必耄期然而淮獨爲公痛惜者不在壽之崇卑嗟惟冢嗣悖嚴訓而淪惑致陷身於危機由是積憂而成疾徒懷憤懣而莫追幾使垂成之偉績止乎一篲之有虧幸遇

皇上恢宏天地之大德眷念先朝之舊臣其在告也賜
璽書以慰釋其蓋棺也隆贈卹以加恩公之哀榮始終斯
亦可謂全矣復何言焉關河邈悠緬辭致奠矯首文江豈勝
瞻戀嗚呼哀哉尚享

祭兵部尚書陳洽文

金幼孜

惟公之生性行貞純忠謹謙和翼翼恂恂初以才薦首列近
侍繼典銓衡載職大理夙夜弗懈惟明惟公寔稱委任仰副
宸衷交人梗化肆造叛逆公贊元戎屢效勞績閱歷二紀撫
鎮炎陬累征不靖惟公懷憂寧橋之役公謀既善彼拒弗納
失在輕戰師徒為勦寇勢披猖惟公秉義奮氣彌剛公蹈白
刃如履平地一心為國有死無貳孤忠偉節日月爭光凜凜
英風振于遐荒公死如歸國有懿典生著榮名歿尤光顯

稽行錫謚恩卹有加命予以官鸞誥寔華予忝交游夙敦
情好公既永逝益增悲悼有殺載俎有酒盈樽一觴致奠靈
爽如存

祭吳司業文

楊溥

嗚呼吾友其亡矣夫知吾友者重為古道惜也古之學者守
道不貳世或雜以異端吾友非周孔之道未嘗形諸語言古
人慎於交際世或以辭色取合於湏臾吾友非道同德合默
默自如人惟驕矜恥於服善去道為益遠吾友人告之過則
引咎自責不假手強勉古人以直道為心世或務智術矯致
物情吾友之待人則惟其誠人皆知古人為可師惟其溺於
利欲或不免於支離吾友視之雲霄羽毛江漢流澌故其發跡翰
苑師表成均而四海交游六館之士皆儼於古人也使人皆

吾友則無懷葛天唐虞三代惟人不吾友而後彼此吁嗟始
終莽蒂予與吾友託交三十年道義之篤曾不以夷險而變
遷予昔南歸謁公於父別之餘篝燈夜語曾不足以盡區區
及予北往承途之便知吾友之遠亡雖萬千艱難亦當一見
嗚呼吾友亡矣予何能淑言不盡情望風而哭

祭桂國平江恭襄侯陳公文

周恠

嗚呼公之器量超出乎衆人之表公之忠義深結乎
主上之知受

三朝之眷倚提十萬之雄師涉川航海智勇竝施內則足倉
儲於天府外則耀聲威於邊夷晚居東楚兼任保釐冀兵民
之緝睦務鎮靜而撫綏况乎笑談尊俎淹貫書詩當吐辭而
發論咸卓絕而瑰奇此又縉紳君子之所同仰豈獨介冑之

士愛戴而歸依忱末學無似德菲位卑辱忘年而託契常與
進而不遺每輟輶於議論必更僕而移時謂之知己胸臆匪
凡人之可窺轉般有法公欲與我規畫而同爲海運有詳公
欲屬我編次而序之事未及就言猶在耳別僅兩月而公奄
及於大期嗚呼是可哀也已會通之河漕運攸資曰垣曰閘
曰堰曰堤後千百世觀公之蹟者雖庸人孺子亦將感慨而
懷思矧我同事得失相規一旦永訣安得不灑涕而歔歔公
之爲國臨絕不衰潰表所奏公爾忘私進爵錫謚
天恩疊推公有令子克紹靡違去歲此月陪公北馳
天子有詔同趨丹墀今我復往公不可追艤舟淮浦瞻望靈
帷爰感今而念昔致薄奠而陳辭公兮不昧鑒我傷悲

祭岐男文

錢溥

嗚呼自吾之使交南也汝與弟嶧皆力疾迎至于揚州比歸
自交南也而嶧已死矣吾既哭之而來京汝復送至于揚州
見汝體羸氣弱不宜以卽遽遂留汝就醫于東吳豈期別踰
半載而汝亦死矣嗚呼痛哉向吾同使事者四人或鍾瘡癘
之疾或愆使命之宜皆悒悒不自安而吾獨少此二患豈天
欲奪吾二子而俾之以苟全邪抑吾寔不德而致天之殃吾
後邪不然何間關萬里之險勞苦一載之餘而吾二子之禍
不一免也嗚呼痛哉初汝以兄治家有弟尚幼故獨從侍於
我者父每歲時稱壽坐我夫婦于堂上具觴豆率妻女升勸
盞驩而退衣冠楚楚然眉目皎皎然爲可愛嗚呼今復得有
是乎吾每朝退汝必升堂致問暮則祇候于門或稟命而出
應時以歸氣象雍雍然言論欵欵然爲可喜嗚呼今尚得見

是乎汝年十四五卽能詩綴文往往出諸長者右癯士大夫
見之慮有少年高科之不幸豈十載四舉皆阻乎病病日深
學日篤尤冀脫晦而嚮明成大器于晚就去年哭汝弟猶曰
汝在也而今又哭汝矣嗚呼尚復誰可望乎言念及此痛裂
于心則天下之痛尚孰有甚于我哉汝於丙子冬生一子啓
定而天繼而生二女以兄之子啓賓爲之後二女則取赴京
來教養之以待成不知汝稟此明秀之質懷此抑鬱之志而
精靈所在復念爾父母兄弟乎念爾妻女乎化爲祥雲列星
而上燭乎殞之於地者爲金玉乎爲仙芝靈草乎吾皆不得
而知也吾今寢不成寐言莫能文遣家人告汝兄以葬期復
書此以祭汝汝能假之于夢寐以告我乎嗚呼痛乎哀哉尚
饗

翰林院祭李文達公文

劉定之

公生中土河嶽降英魁鄉對 廷際于 聖明

宣廟擢材

英皇授職遂由宰屬荐陞華級諸部以佐黃閣乃居天順返
正日贊訂謨公之事

主有始有卒

裕陵復土甫終遏密公亦往矣 龍髯遙舉乘彼白雲仙馭

乃參公之事親封以孤保父子橫玉以至於老既送考終遽

從九原忠孝克終其曷如焉

天子念公贈謚葬陰朝行惜公弔賻哭臨矧僚屬來誅顯

幽陳辭靈凡以備醪羞

祭辭文清公墓文

胡謚

於乎世有所謂義理詞章之儒其學異趨也而公則因文見
道深味其腴觀公讀書兩錄益充乎其有餘也又有所謂道
德功名之士其心異致也而公則實與位稱不少為累考公
歷官諸績殆確乎其無愧也若公者雖古人為難能而謂今
世之易得邪是宜

朝廷倚之為輔弼薦紳視以為矜式也而謚小子雖夙歷山
斗之仰且幸出於門下然未獲執摠趨以承一日之誨益也
詎意自公請老而歸而遂成永隔邪此豈特謚小子之不幸
而實斯世斯文所共惜也茲謚持節西來過公墓下不能不
感今懷昔徒稔九原之長噫也於乎龍門之陽其山蒼蒼其
水湯湯公之流風餘澤尚將同其永長矣乎謚庸俾有司祠
諸學宮以與鄉之漢太史令隋文中子諸賢後先而相望庶

幾英靈千載萃止一堂以益增乎山川草木之光爰復失詞以告踧獻此觴匪展謚一人之私蓋將廣觀法於鄉邦伏惟尚饗

皇明文衡卷之九十七

皇明文衡卷之九十八

字說

李都尉字辭

宋濂

皇上即位之九年以順德公主下嫁于太師李韓公之子駙馬都尉祺初祺小字為總至是詔曰其易以美名翰林諸臣乃定今名以進且字之曰子祺既而子祺請曰祺之名實定於先生祺於先生少嘗受業有師弟子義將何以教之余惟一代之興必有元勳厚德之人出於其間始則佐帷幄決勝負終則坐廟堂而贊治化成大功而享榮名為國家之柱石係天下之重輕若漢之蕭鄼侯宋之趙韓王皆若是矣至於嬖姻

帝室若今太師則未之有也今太師極人臣之尊為上公之

